

PENDAHULUAN

Sebagaimana yang diketahui, bahawa kajian ilmiah ini adalah sebagai memenuhi syarat bagi mendapatkan Ijazah Sarjana Muda Usuluddin yang telah ditetapkan oleh pihak fakulti kepada para mahasiswa tahun akhir Fakulti Usuluddin Akademi Islam Universiti Malaya (AIUM).

Latihan ilmiah ini dibuat adalah berdasarkan minat penulis sendiri untuk mengkaji sejarah hidup sahabat-sahabat Rasulullah (s.a.w) yang telah mengorbankan tenaga mereka untuk meriwayatkan hadith-hadith menerusi Rasulullah (s.a.w). Penulis juga berpendapat, bahawa bidang kajian ini amat penting diketahui dan difahami dengan betul agar segala warisan peninggalan Rasulullah (s.a.w) dapat dipraktikkan dalam kehidupan kita seharian. Menyedari hakikat inilah, penulis telah memilih tajuk ini sebagai bahan kajian agar segala mutiara yang bernilai ini dapat dibongkar menerusi kitab Sunan Sittah dan Muwatta' Imam Malik.

Dalam rangka menyiapkan penulisan ini, penulis telah menggunakan beberapa kaedah yang penting. Dalam bab satu iaitu Kepentingan Hadith dan Sunnah dalam perundangan Islam, penulis merasakan tajuk ini amat penting diperkatakan memandangkan Hadith dan Sunnah merupakan sumber rujukan yang kedua dalam Islam selepas al-ur'an. Dalam mengulas tajuk ini penulis

menggunakan al-Qur'an dan hadith-hadith sebagai sumber rujukan yang utama. Tidak ketinggalan juga, penulis menggunakan kitab-kitab dalam bahasa Arab sebagai bahan-bahan rujukan iaitu kitab Ulum al-Hadith wa Mustalah, Al-Sunnah qabl al-Tadwin, Mu jam al-Wasit dan sebagainya. Dalam mengulas tajuk ini penulis telah mengemukakan beberapa contoh hadith-hadith dan pendapat para alim ulama. Bagi memperkuatkan lagi alasan ini penulis telah menggunakan buku-buku rujukan dalam bahasa Malaysia dan Indonesia sebagai rujukan sandaran.

Dalam bab yang kedua pula iaitu mengenai Biwayat hidup Abu Ayyub al-Ansari, penulis merasakan tajuk ini amat penting kerana ianya merupakan seorang tokoh sahabat yang banyak meriwayatkan hadith-hadith Rasulullah (s.a.w). Riwayat hidupnya meliputi pengislamannya, perjuangannya dan penglibatan dalam halaqah ilmiah. Dengan ini ternyatalah bahawa sahabat ini memperolehi kedudukan yang amat tinggi dalam majlis Rasulullah (s.a.w). Bagi melengkapkannya lagi penulis telah kitab-kitab dalam bahasa Arab seperti Uad al-Ghabah, Ansar Rasulullah dan sebagainya lagi.

Dalam bab yang ketiga iaitu takhrij hadith-hadith yang diriwayatkan oleh Abu Ayyub yang mana ia merupakan kemuncak dalam penulisan ini. Penulis menggunakan kitab Dha'hir al-Mawarith bagi mentakhrijkan hadith-hadith Rasulullah (s.a.w) sebagai

sandaran yang utama memandangkan bidang takhrij ini amat luas dan pambatasan kitab *Ushakhair al-Hawarith* amat-amat diperlukan. Untuk seterusnya penulis telah menggunakan kitab *Sunan Sittah* dan *Muwatta* Imam Malik sebagai kitab-kitab sandaran. Penulis juga mempunyai beberapa kesulitan memandangkan kitab hadith dalam bentuk yang asal sukar didapati. Hadith-hadith yang dirujuk ada yang berlainan lafaz dan susunan katanya berbeza dengan susunan kata yang asal. Hal ini menjadikan bidang takhrij memerlukan masa yang cukup. Di samping itu juga, kitab tambahan yang membantu penulis dalam mendapatkan hadith-hadith ini ialah *Du Jam al-Fihris*.

Dalam bab yang keempat iaitu intisari hadith-hadith yang diriwayatkan oleh Abu Ayyub, penulis telah menterjemahkan dan mengeluarkan intisari-intisari yang meliputi segala permasalahan dalam perundangan Islam. Dalam mendapatkan terjemahan hadith-hadith ini penulis menggunakan buku-buku terjemahan hadith Sahih Bukhari dan Muslim.

Akhirnya kajian ilmiah ini diikuti dengan beberapa kesimpulan di mana penulis memperolehi beberapa pengalaman yang penting seperti mengetahui kaedah teranaliterasi dan kependekkan. Beberapa saranan juga dikemukakan agar bidang kajian ini akan lebih dititikberatkan lagi di masa-masa akan datang.